

Thuris dotes
immunitati
Marianae
adaptantur.

Mariani in
Deum reli-
gionis cha-
racteres.

S. Damasc.

discuti; alterum, quod ad aurium dolores conferat, in utraque hujus originariae religionis effectum agnosimus, contrarium duplici item vitio oculorum, & aurium ab illa perfida Evana irreligiositate olim provenientium. Ut enim primum culpa ea commissa, & oculis misera errorum caligo universim effusa, & malè ab Adamitis audire ceptum, oclusis nempe, non sine dolore, obedientiae auribus. Ergo Maria ab illa profusa immunitate culpa & perspicacissima à Conceptione ipsa pervidit, perpexit, nullam pravae dispositionis ignorantiam admittens, & aures integrè & feliciter valentes forata est, quibus divini praecepti vocem auscultata quam exactissime fuit executi. Uno contentus hic sum Damasc. testis. ex Orat. i. de B. Mariae Nativ. O divinum ac vivum simulacrum, ad quod Opifex Deus inventus est, mentem quidem divinitus gubernatam habens, ac Deo soli operam dantem, cupiditatem autem omnem ad id quod solum expectandum, atque amandum est, intentam; iram verò adversus peccatum dumtaxat, ipsiusque parentem. Vitam naturâ praestantiorém habebis, non tibi ipsi: neque enim tui ipsius causâ progenita es; quocirca Deo habebis. Siste, & expende, Mariam vividum & expressum divinum simulacrum esse conditam, illi, cujus imaginem referebat, ab ipso creationis exordio additissimam, nihil præter Deum expectentem; uni Dei adversario, nempe peccato, peccatique auctori adversam; vitam à prima generatione naturâ omnino superiorem uni omnino Deo consecratam. Quinam alii purae, ac sincere religionis characteres? Pergit subdere utramque religionis certissimam notam; perspicacem, atque perspicuam veri cognitionem, divinæque Legis obtemperantiam. Oculi tui semper ad Dominum, perenne atque inaccessibilem lumen intuentes: aures divinum sermonem audiunt, ac Spiritus cithara oblectantur. Sic Virgo Mater sacrum thuris religiosi cultum mirificè complevit, quo suam se domum vaporasse inquit: Et quasi thus non incisum vaporavi habitationem meam. Id autem perinde est, atque dixisset, hanc se domi apud se religionem semper fuisse professam.

Quid spectet
symbolum
thuris non
incisus, seu
atomus.

Quam gra-
vis deiparae
ultroneus
Conceptionis
cultus.

2012 Sed est quod in superiori illo Epitheto lectissimi thuris disquiram? Quasi libanus non incisus. Cur thus hocce atomum? quo symboli sensus? An integritatem Virginis innuit, quæ virgineo illibata corpore Filium suum ex sacro utero thurifera nobis arbor effudit, divinæ religionis exemplar lucidissimæ? An atomum dixit thus, quod religiosus Mariæ in Deum cultus nunquam sectus, nunquam divisus? Una illa unum Deum, uno atoque religionis cultu semper venerata. Nos quidem omnes thus violavimus, atque in partes divisimus, dum ab uno discessimus originariam per culpam Numine. An non incisum dixit Libanum, quod spontaneum thus generosus, pretiosus, gratius? Et quidnam inde ad institutum? Ultroneamne diu futuram hanc Marianæ conceptionis colendæ religionem? Video. Et quid prætereâ? Gratioremne, ac pretiosorem eorum hunc voluntarium cultum quam sit alius præcepto injunctus & exactus, v. g. Virginitatis Marianæ celebrandæ? Vir doctus & gravis Jerony. de Florentia celeberrimus in Regia curia Regius concionator è nostro Sodalitio Ser. i. de Conceptione §. 1. pronunciat, non semper hoc

fuisse minus meritorium, quia non ex præcepto necessarium, uti defensio Virgineæ puritatis necessaria est. Quod ego sic interpretor: ut hæc Conceptionis devota celebratio & cultus, spontaneus quidem & ultroneus, neque ullo Ecclesiæ præcepto adhuc religiosè injunctus, non minoris interdum per accidens meriti existat, quam ille, per quem deiparæ v. g. virginitas colitur, quæ præcepto constat. Ipsa enim illa spontanea colendæ immunitatis alacritas, quæ tanto fidelium ardore per Dei Ecclesiam exarsit, ferventiores accendit tum internas, tum externas Christiani populi meritorias actiones, quæ licet ultraneæ sint, cum tamen intensiores existant quam præceptæ aliquæ, jure optimo dicentur eas multis meriti gradibus superare, quæ ex præcepto communiter proveniunt, non adeo tamen intensæ. Quod hoc præferentiam sæculo experientia docet, quæ ubique Gentium videmus Marianæ Conceptionis ferias frequentius, devotius, & ardentius longè celebrari, quam alia quædam ejusdem deiparæ festa, sive multitudinem attendas sacrificiorum, sive solemnitate processionum, sive doctas piaque in eam causam tuendam, ac propugnandam Conciones. Alioquin stat communis certaque Theologia; opera ex præcepto, seu voti obligatione facta, majoris meriti apud Deum esse, cæteris paribus, quam ultraneæ existant.

2013 Denique adest balsamum non mixtum, id est, purum, ac syncerum, non aliis mixtionibus adulteratum; quod neque maculam, nec notam relinquit: quod est contra omnes serpentes efficax, serpentiumque ictus & morsus; quod vulvam aperit; ut relati Auctores in enodatione textus tradunt: addentes, has vires tum femini, tum succo ipsi, & ligno balsami vel à radice ipsa & trunco, inesse. Certè Maria exprimitur à Siracide, quæ nec maculam, nec maculæ notam ullam, utpote purissima, post se unquam reliquerit. Nimirum instat Balsami puri ac synceri, ab ipso met Conceptionis odoratissimo semine, quo vulvam Annæ Matris oclusam aperuit, serpente procul abegit. Merito igitur S. Laur. Just. l. de Casto connubio c. 9. ad hunc Ecclesiastici locum sic scribit: Ipsa est oliva vi-

Balsamum
syncerum
quod pro
deiparæ im-
munitate
supplicet.

S. Laur. Just.

rens, vitis fructificans, cupressus se autollens, palma frondens, terebinthus se expandens, Balsamo suavior. Hæc nempe est Virgo Maria, quæ colorum Regem ad se suo traxit odore: nimio namque innocentia, ac virginitatis respectu candore. Quidquid honoris, quidquid dignitatis, quidquid meriti, quidquid gratiæ, quidquid gloriæ, totum fuit in Maria. Ubique sancta, ubique plena, ubique immaculata. Observa Balsami suavitatem cum nimio innocentie candore. Adde quidquid gratiæ cuique collatum creaturæ, totum in Maria concedendum. Adde ubique immaculatam, ne conceptionem excipias.

2014 Nefas præterire S. Bonaventuram sic ad rem nostram opportunè loquentem in speculo c. 5. Apud Deum gratiam invenit, veram

S. Bonav.

immiseri solet (subtextit Bonaventura) & vitiarimelle, vel oleo. Sed certè Balsamum Spiritus S. in Maria non fuit mixtum, quia nec melle carnalitatis & mundanae consolationis, nec oleo laudis & adulationis fuit vitiatum. Sed quia tam vera & tam pura Maria gratia fuit, ideò bene Jeronymus de ipsa sic dicit: Quidquid in Maria gestum est, totum puritas & simplicitas, totum gratia & veritas, totum misericordia & justitia fuit, quæ de celo prospexit. Et propterea immaculata, quia in nullo corrupta. Adidi ex Hierony. hoc extremum ommissum à Bonaventura, nondum immunitatem Virginis in speculo illo vidente. Addo quod suppedit etiam ex Bernardo, quem citat: Redempturus humanum genus, premium universum contulit in Mariam. Ut quid hoc? Fortè ut excusaretur Eva per Filiam, & querela viri adversus feminam deinceps sopiretur. Ne dixeris ultra, è Adam: Mulier, quam dedisti mihi, dedit mihi de ligno vetivo.

S. Jerony.

S. Bernard.

Fama Ma-
rianæ im-
munitatis
quoque ver-
sus diffusæ.

2015 Sat dictum de odoratissimis aromatis à Siracide adductis pro commendanda Marianæ immunitate ad originali contagio. Illud hic addendum, ad instar horum aromatum suum diffundere quaquaversus odorem deiparæ Virginem. Spirat enim ipsa cinnamomum, balsamum, myrrham, storacem, galbanum, unguulam, aloem, & thus: promanat ab ipsa, quasi ab iis aromatis circumquaque odor jucundissimus. Quid hoc? Odoris symbolum pro notitia & fama usurpatur. Erit igitur odor, quem Maria spirat, notitia celeberrima, & publica fama suæ præservationis, suæ immunitatis, suæ purissimæ Conceptionis, suæ originariæ innocentia, per universoni orbem suavissimè diffusa, ubique decantata, vel in cœlis ipsis ab Angelis universis, à Beatis illius triumphantis Hierosolymæ civibus, qui jucundissimam hauriant odoratissimæ Regiæ fragrantiam, & immortales gratias æternum toti Trinitati referunt pro Matris sanctissimæ præservazione. Quidquid enim in Maria & per Mariam divina peregit Omnipotentia, Mariam ostendit præservationis odore jucundissimè fragrantem.

Moralis elucidatio.

SECTIO LII.

Christiani simus totum aromatiferi, incomparandam Christi fragrantiam quaqua versus diffundentes.

Plinius

Sant. 1. 2.

2016 Vidisti jam, qua ratione Christus Dominus ad instar sit odoratissimorum aromatum longè latèque gratissimum spirantium halitum? Certè qui Christiano insignimur nomine, Christianaque tantopere gloriamur professione, toti simus aromatiferi operæ premium est, incomparandam Christi fragrantiam in nobis inhabitantis usquequaque, & quacunquæ diffundentes. Sic enim Christus per nos ita suaviter sese odoratum exhibebit, ut vel occupatos hominum sensus invadat, agnoscat, & honoretur ab impiis, ab infidelibus. Ut enim Plin. l. 13. c. 3. Summa commendatio unguentorum est, ut transeunte femina odor invitet aliud agens.

2017 Hinc illud Cant. 1. 2. Oleum essimum nomen tuum. LXX. unguentum, Arabic,

unguentum suave, ex variis nempe aromaticis speciebus compositum. Quasi dicat: Totus Christus quantus quantus est, totus est odoratissimum gratiarum & virtutum omnium unguentum. Inde ab Hebr. Messias appellatus, à Græcis Christus, qui Latinis sonat unctus. Unguentum quidem non alabastro conclusum, sed essum; in nos planè; essum quasi ex vase in vas, ut Hebræa exprimit: ut simus tanquam vasa quædam, sive myrothecia, quibus suavissimum illud unguentum circumferatur, & exhaletur. Hoc quippe sibi vindicat Christianorum nomen, & professio, ita appellatorum à suavissimo Christi unguento, quo imbuuntur. Quapropter Naz. Orat. in S. Baptisma egregiè agebat: Unguentum illud, nostrum causâ exhaustum odoremur, spirituali modo illud accipientes, atque ab eo ita efformati, & commutati, ut ex nobis quoque suavis odor essetur. Ac si dicat: Christianos esse, id est, unctos à Christo, perinde omnino est, atque aromatiferos Christi esse, qui Christum, Christi virtutes olere semper debeamus, & exhalare ubique.

Christus, id est, unctus.

Christiani, id est, uncti ut ex illis bonis Christi odor effusus.

S. Nazianz.

2018 Pauli hæc decantatissima doctrina est 2. ad Cor. 2. 14. Odorem virtutis suæ manifestat per nos Deus in omni loco; quia Christi bonus odor sumus Deo. Quid hoc, quæso? Divinè explicat Bern. Ser. 12. in Cant. Paulus vas electionis: reverà vas aromaticum, vas odoriferum, & referuntur omni pulvere pigmentario: Christi enim erat bonus odor Deo in omni loco. Etenim, dum Apostolus vas electionis factus est, ut portaret nomen Domini, quod est suavissimum, jucundissimumque unguentum, sic sese ad Christi exemplum efformavit, divinâ auxiliante gratiâ, ut non nisi miro ex se omnium virtutum odores adspiraret, quibus Christus ubique manifestabatur: bene semper olebat, quia semper Christum olebat, ita ut, transeunte illo, odor invitaret aliud agentes ad Christi cultum & imitationem. Et talis profectò debet esse Christianorum vita, ut bene semper oleat, dum semper Christum olet per Christianorum virtutum exercitium, per quod Christi bonus odor sumus Deo. Proinde Chryf. ad ea Pauli verba Ho. 5. Sumus tanquam re-

2. Cor. 2. 14. Christianus bene semper oleat dum Christum semper olat.

S. Chryf.

gale sustinuatorium sive thuribulum, quocunque accesserimus caelesti fragrantem unguento, ac spiritali suavolentiâ.

2019 Quò spectat Davidicum illud geniale in Metro: Myrrha & gutta & castia à vestimentis tuis, à domibus eburneis, ex quibus delectaverunt te filia Regum in honore tuo. Ps. 44. 9. Preme illa, à vestimentis tuis, & à domibus eburneis. Si fragrantia aromatum illorum à vestimentis Christi, qua ratione à domibus eburneis? Num suavissimus illius unguenti odor tum ex Christi vestimentis, tum ex illis eburneis domibus dimanat? Ita planè res habet. Atqui, vestimenta illa humanam Christi naturam esse, universi fermè docent Davidis Interpretes, omni gratiarum, & virtutum affluentia, quasi unguento pretiosissimo ex nobilioribus aromatis permixto, bene imbuerant domus eburneas, id est, arces, sive arcas ex ebore factas, in quibus vestimenta odoratissima servari solent. Arcæ autem intelligentia, eburneæ domus; ex multorum placito, illi sunt, in quibus Christus inhabitat, & ex quibus, veluti ex thecis, & capis eburneis miræ soliditatis & puritatis spiritua-

A Christi vestimentis, id est, humana ejus natura, miram fragrantiam, quam aspirant domus eburneas, id est, animam sanctam.

